

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 198. Num servi invitis dominis contrahere possint Matrimonium.

[urn:nbn:de:hbz:466:1-73973](#)

non loqui de matrimonio, sed de sponsalibus de futuro, ad quæ perficienda & executioni danda sanus in hoc casu non est cogendus. De cætero posse etiam quæ ad vinculum dissolvi matrimonium ratum tantum dispensative à Papa, esseque lepram supervenientem sufficientem, justamque causam petendi & obtinendi hanc dispensationem, & per eam illius dissolutionem, tenent Sanch. L. 2. de mat. d. 16. n. 5. Perez. de mat. d. 40. f. 7. n. 13. & alii communis, sapientisque hanc dispensationem factam à variis Pontificibus testantur Burges. de irregul. p. 6. tit. de sponsal. n. 74. aliquie passim; de quo vide dicenda inferius ad tū. 19. de divorciis, ubi fusè de dissolubilitate matrimonii rati.

Quæst. 197. An sanus conjugi leproso teneatur reddere debitum, eique cohabitare.

REsp. Dum Medicorum, aliorumque peritorum judicio superveniens matrimonio contracto, sive consummato, sive rato tantum lepra non est tanta malignitatis, ut ex cohabitatione, aut etiam redditione debet, periculum infectionis aliquod, aut solum leve immineat, tam ad cohabitandum exhibendumque cætera obsequia conjugalia, & in specie ad reddendum debitum astringitur conjux sanus juxta c. 1. § 2. b. t. Secus est, seu ad horum neutrum præstandum conjugi leprosa tenetur sanus, si eodem Medicorum iudicio ex utroque imminet probable infectionis pericu-

lum; cum prudenter præsumi nequeat, conjuges contrahendo matrimonium intendisse se obligare ad coabitandum & reddendum in eo casu debitum, aut etiam matrimonium ipsum adstringere ad talem sui usum, qui subsistere nequit salva individuali proprii incolumente, sed manifeste vergit in destructionem illius; cum rectus caritatis ordo tali usui obstet, exigendo, ut prius consulatur incolumenti propriæ, quam alienis solatiis & commodis serviantur. Arg. e. si non licet. caus. 2. q. 5. c. dilectio. de prob. Atque ita docent Sylv. v. debitu. q. 1. Navar. in man. c. 16. n. 25. Sanch. de mat. L. 9. d. 24. n. 2. § 17. Bonac. de mat. q. 4. p. 1. n. 8. Pet. Barb. in rub. ff. soluto mat. p. 2. n. 28. August. Barb. in c. quoniam. b. t. Pirk. b. t. n. 10. Zaccias qq. medico-legal. L. 7. iii. 2. q. 5. n. 1. Wiesfn. b. t. n. 6. qui tamen n. 10. bene addit, quod à cohabitatione & debito difficultius liberetur sanus, qui sciens cum infecta jam lepræ contraxit matrimonium; eò quod is sibi imputare debeat periculum infectionis, utpote cui se liberè exposuit. Item n. 9. quod facilius absolvatur à redditione debiti, quam ab omnimodo cohabitatione; cum majus infectionis periculum incurrit ex commercio carnali, quam ex sola cohabitatione, à qua etiam illum ob periculum infectionis nunquam divertere posse, nisi subministratis conjugi leprosa vita subsidis, ait Idem. cit. num. 9. de qua separatione quod ad thorum vide quo- que dicenda infra l. c.

TITULUS IX.

De Conjugio Servorum.

Quæst. 198. Num servi invitatis dominis contrahere possint matrimonium.

REsp. Primo: Servi adscriptitii, qui prædio colendo perpetuè sunt additi, ita ut inde recedere non possint, ac insuper omnes redditus prædiorum, demptostantum expensis & necessario vietu, dominis suis redire debent, & quamvis ad certas operas & servitia dominis præstanta teneantur, eorumque nati sint & dicantur originarii, valide ac licet contrahere possunt matrimonium invitatis dominis (quamvis in aliquibus locis nubere nequeant licet alteri non originario ejusdem domini sine domini permissione seu literis quasi dimissoriis) sunt enim verè liberi, & ab actibus legitimis non repelluntur, et si servi similitudinem aliquam habeant, Castrop. tr. 28. d. 4. p. 5. §. 1. n. 9. Gutt. c. 90. n. 10. Laym. L. 5. tr. 10. p. 4. c. 2. in fine. & nequaquam de ipsis agitur b. t. qui est de servis veris.

2. Resp. Secundo: Verè servi (quales sunt, qui uno ex his titulis, nempe iure belli, nativitate, iusta condemnatione, emptione servi sunt, Pereyra in elucidar. L. 2. n. 825,) invito domino valide & licet contrahunt matrimonium, ut expressè definitur c. 1. b. t. siquidem matrimonium jure naturæ ac divino concessum, tum ad propagationem generis humani, tum in remedium concupiscentiarum ad evitandas fornicationes, aliisque flagitia carnis, cui iuri à dominis contraveniri nequit: quin & quod speciale est matricipiis christianis, servus baptizatus à Sacramentis recipiendis removendus

non est, ut dicitur c. 1. b. t. cum, ut ibidem affert illud Apostoli: non est differentia in Christo inter servum & liberum, masculum & feminam, Juðæum & Græcum. Unde etiam peccare dominum mortaliter, & ab Ecclesia, si ei subiectus est, coercendum, qui servum à matrimonio contrahendo impediret (intellige juxta dicenda paulo post) quia facit contra ius illi à natura concessum, in quo domino non subduntur, tradunt Gutt. de mat. c. 92. n. 1. Ponc. L. 7. c. 42. n. 2. Castrop. l. c. §. 2. n. 2. Pirk. b. t. n. 2. Sanch. L. 7. d. 21. à n. 9. qui etiam addit, non posse dominum tutâ conscientiâ punire servum, quod se invito inierit matrimonium; cum usus fuerit iure suo, & nihil deliquerit. Tametsi autem ius civile non potuerit abrogare ius naturale & divinum, quod matrimonium est institutum in officium naturæ ad solibus procreationem, & ad mutuam viri ac feminei societatem, ut Pirk. l. c. num. 2. in fine. ex Azor. p. 2. L. 2. c. 28. q. 4. inde tamen non sequitur, quod irritare non potuerit matrimonium servorum contracta invitatis dominis; multa enim sunt, quæ à natura conceduntur, quæ etiæ per leges humanas abrogari penitus non possunt, potest tamen eorum usus, vel talis eorum usus hic & nunc inhiberi. Et sic expressè ait Castrop. cit. §. 2. num. 1. quod Ecclesia potuerit irritare matrimonia servorum absque dominorum consensu celebrata, sicut potuit irritare eorum in religione professionem ex eo capite, quia est in prejudicium dominorum. Sed & de facto ius civile istiusmodi matrimonia interdixit. L. 3. c. de incest. nupt.

nupt. Inf. de nupt. in princ. cui dispositioni juris civilis subsunt servi non baptizati, utpote circa quos nihil disponere potest Ecclesia seu jus canonum. Pirk. b. t. num. 3. De cetero jus hoc civile quod ad servos Christianos baptizatos continent per jus canonicum, quod in hoc prævalet; cum in causis matrimonialibus, praesertim dum agitur de valore matrimonii, non iuri civili, sed canonico sit deferendum. Pirk. Azor. Krimmer. LL. cit. Alex. b. t. num. 7. Et tantum abest, ut jus canonicum ea irritaverit, quin potius positivè stabiliverit, ut constat ex e. 1. b. t. ubi: sicut juxta verbum Apofoli; sicut in Christo JESU neque liber neque servus est ab Ecclesia Sacramentis removendus, ita nec inter servos matrimonia debent ullenatus prohiberi: & si contradicentibus & invitatis dominis contracta fuerint, nulla ratione propter hoc sunt dissolvenda. Quod autem in veteri Ecclesia matrimonia servorum contracta sine consensu domini fuerint irrita & separata etiam quod ad vinculum, astruit Ponc. L. 7. de mat. c. 42. apud Krimmer. num. 1051. ductus auctoritate Concilii Cabilon. 2. c. 30. relato. c. fin. 29. q. 2. & dicto illo D. Baflili ad Amphibloch, can. 42. ubi: que sine his, qui habent potestatem, sunt matrimonia, sunt fornicationes; nec ergo vivente patre, nec domino hi, qui convenienter, sunt ab excusatione liberti, donec conjugio domini annuerint; tunc enim accipit firmatatem conjugium. Verum rectius ad hoc dicitur, tales separationes factas fuisse tantum quod ad thorium, & pro iis casibus, ubi dominorum debita obsequia impediabantur, quam dicatur, factas illas separationes etiam quod ad vinculum, quandiu matrimonia illa erant rata tantum; dum vix credibile est, illa matrimonia servorum tam diu non fuisse consummata, dum ad instantiam dominorum rescinderentur. Quod autem ex Concil. Tolet. 9. c. 12. afferi solet; ibi prohiberi libertis (ad eoque multò magis servis) contrahere cum ingenua, nihil ad rem facit; cum ibidem agatur de matrimonio liberti Ecclesia cum ingenua, cui propterea hoc inhibitum, ne Ecclesia detrimentum patiatur, dum proles ex tali matrimonio nata sequatur ventrem seu conditionem matris ingenua; ad eoque hoc ipso eximatur ab oneribus & obsequiis Ecclesia praefandis ab ejus libertis, ut hæc constant ex Can. seq. ejusdem Concilii.

Quæst. 199. An saltem dominus indirec-
tè possit impedire matrimonium
servi; v. g. vendendo eum in partes
remote, dum scit illum traducere de
matrimonio contrahendo.

R Esp. Id dominum posse nondum contractis à servo sponsalibus; utitur enim dominus in hoc iure suo, ut licet per hoc impeditur matrimonium, id est per accidentis. Sanch. L. 7. d. 21. num. 9. Gutt. c. 92. num. 6. Castrop. l. c. num. 3. Non posse tamen dominum, contractis jam à servo sponsalibus, eum vendere in partes longinas, in quas eum commode sequi nequit conjux; quia per hoc hujus iuri quæsto derogaretur, censent Sanch. & Gutt. quod ipsum admittit Castrop. si sponsalia contracta ex voluntate & licentia domini; eo quod tunc censendus sit tacite promissio, se non impeditur matrimonium, quantum commode fieri possit; ac proinde non potest tunc sine gravi necessitate in eas partes remotas

vendere servum. Secus si sponsalia contracta fine licentia domini; quia tunc utitur iure suo, cui sponsalia derogare non potuerunt; cum sponsa non acquisiverit jus ad matrimonium servi, nisi quatenus servus se ei tradere poterat; is autem se ei tradere non possit, diminuendo per hoc iura sui domini; pro quo Castrop. citat Nav. c. 22. num. 34. Coninck. d. 31. dñ. 2. num. 37. Addit nihilominus Castrop. num. 4. obligari dominum regulariter ex caritate, ne hac ratione impedit matrimonium servi, dum illius magnopere non interest, v. g. si eum æquè commode vendere potest in illo loco; & quia in eo casu dominus presumetur, id facere ex animo iniquo præcisè ad impediendum matrimonium, posse Judicem Ecclesiasticum interpellatum à servo venditionem illam in partes longinas impeditre; quin & Judicem Ecclesiasticum id posse simpliciter in favorem matrimonii, sequendo sententiam probabilem Sanch.

Quæst. 200. An & qualiter servi per contractum matrimonium eximantur à servitute, vel etiam obsequiis & servituis debitibus.

1. R Esp. Primum: Si dominus servum proprium vel servam tradat in matrimonium personæ liberae ignara hujus servitutis, nec eam detegat, vel sciens eos contrahere cum errore, studio taceat, eo ipso servus vel serva libertatem consequitur, & manumittitur favore matrimonii, idque nullâ sententiâ Judicis requisitâ; ut constat ex Autb. ad hoc. c. de latina libert. Pirk. b. t. num. 19. Sanch. L. 7. d. 20. num. 1. f. 14. Castrop. l. c. §. 3. num. 2. Et licet spectato jure communi videatur requiri dolus ad hanc peccatum amissionis servi inducendam, ut constat ex illis verbis cit. Autb. si tacuerit studio, & Gl. ibi. ait tamen Castrop. Jure sui regni verius esse dolum non requiri, sed eo ipso, quod tacuerit dominus, servum rapi ad ingenitatem, præterquam, quod, ut Idem, in hac taciturnitate semper præsumi debeat dolus.

2. Resp. Ad primum secundò: Ancilla quoque libertatem consequitur, si dominus tradat eam nuptui, dotale instrumentum conficiens, homini libero, etiam scienti servitutem, Arg. L. unio. de Latina libert. ubi licet nihil de scientia servitutis dicatur, subintelligendum tamen id est, ut aliquid speciale hæc lex statueret ad statutum in seq. Autb. ad hoc. notat cum Sanch. l. c. num. 9. Molin. Tom. 1. tr. 2. d. 39. S. septimus. Abb. in c. istud. de præsum. num. 11. & aliis. Castrop. l. c. §. 3. num. 3. quod autem in cit. L. solius ancillæ fiat mentio, est gratiæ frequentioris usus, quod frequentius feminis quam viris conficitur dotale instrumentum. De cetero hanc constitutionem æquè extendi ad servum, si ejus patronus donationem propter nuptias seu dotem ei constitutat, asserit cum Abb. l. c. Gutt. c. 91. num. 10. Castrop. l. c. contra Sanch. eo quod eadem in servo sit ratio, nempe quod dotis constitutio sit propria hominis liberis, & eo ipso, quod dominus præstet illam ancillæ vel servo, censeatur facere liberum. Nequaquam tamen constitutionem illam extenderit ad casum, in quo alius presente domino ancilla dotalia instrumenta conficiat, ita ut illa & tunc evaderet libera, consentienti Sanch. Guttier. Castrop. LL. cit.

3. Resp. Ad secundum: Contracto matrimonio (intellige etiam sciente domino) à seruo cum serva, vel etiam cum libera domino non consentiente,